



唐太宗文皇帝

景帝



景皇帝諱師字子元宣帝長子也雅有風彩沉毅多  
 大略少流美譽與夏茂玄何晏齊名晏常稱曰惟幾  
 也能成天下之務司馬子元是也魏景初中拜散騎  
 常侍累遷中護軍為選用之法舉不越功吏私私焉  
 宣穆皇后崩居喪以至孝聞宣帝之將誅曹爽深謀  
 秘策獨與帝潛畫文帝弗之知也將發夕乃告之既  
 而使人覘之帝寢如常而文帝不能安席晨會兵司  
 馬門鎮靜內外置陣甚整宣帝曰此子竟可也初帝  
 陰養死士三千散在民間至是一朝而集眾莫知所  
 出也事平以功封長平鄉侯食邑千戶尋加衛將軍  
 及宣帝薨議者咸云伊尹既卒伊陟嗣事天子合帝  
 以撫軍大將軍輔政

嘉靖十年補

卷之四

唐紀

御撰

魏嘉平四年春正月遷大將軍加侍中持節都督中

外諸軍錄尚書事命百官舉賢才明少長卹窮獨理

廢滯諸葛誕母丘儉王昶陳泰胡遵都督四方王基

州泰鄧艾石苞典州郡盧毓李豐堂選舉傅嘏虞松

參計謀鍾會夏茂玄王肅陳季孟康趙鄧張緝禎朝

議四海傾注朝野肅然茲有請改易制度者帝曰不  
識不知順帝之則詩人之美也三祖典制所宜遵奉  
自非軍事不得妄有改革

五年夏五月吳太傅諸葛恪圍新城朝議慮其分兵  
以寇淮泗欲戍諸水口帝曰諸葛恪新得政於吳歆  
微一時之利并兵合肥以奠萬一不暇復為青徐患  
也且水口非一多戍則用兵衆少戍則不足以禦寇  
恪果并力合肥卒如所度帝於是使鎮東將軍毋丘  
儉揚州刺史文欽等距之儉欽請戰帝曰恪卷甲深  
入投兵死地其鋒未易當且新城小而固攻之未可

嘉靖十年刊

晉書

援遂命諸將高壘以弊之相持數月恪攻城力屈死  
傷大半乃勅欽督銳卒趣合榆要其歸路儉帥諸將  
以為後繼恪懼而遁欽遂擊大破之斬首萬餘級

正元元年春正月天子與中書令李豐后父光祿大  
夫張緝黃門監蘇鑠永安署令樂敦元從僕射劉寶  
臣等謀以太常夏侯玄代帝輔政帝密知之使舍人  
王羨以車逆豐豐見迫隨羨而至帝數之豐知禍及因  
驛惡言帝怒遣勇士以刀鐶築殺之逮捕玄緝等皆夷三

族三月乃諷天子廢皇后張氏因下詔曰奸臣李豐  
李靖譖庸回陰構凶慝大將軍糾度天刑致之誅辟

周勃之克呂氏霍光之擒上官曷以過之其增邑九千戶并前四萬帝讓不受天子以玄緝之誅深不自安而帝心慮難作潛謀廢立乃密諷魏永寧太后秋九月甲戌太后下令曰皇帝春秋已長不親萬機耽淫內寵沉嫚女德日近倡優縱其醜虐迎六宮家人留止內房毀人倫之叙亂男女之節又為群小所迫將危社稷不可承奉宗廟帝召群臣會議流涕曰太后令如是諸君其如王室何咸曰伊尹放太甲以寧殷霍光廢昌邑以安漢權定社稷以清四海二代行之於古明公當之於今日之事惟命是從帝曰諸

嘉靖戊午年

晉帝紀一

監生汪克勤刊

君見望者重安敢避之乃与群公卿士共奏太后曰臣聞天子者所以濟育群生永安萬國皇帝春秋已長未親萬機日使小優郭懷表信寺裸袒淫戲又於廣望觀下作遼東妖婦道路行人莫不掩目清商令令狐景諫帝帝燒鐵炙之太后遽合陽君喪帝嬉樂自若清商丞龐熙諫帝帝弗聽太后還北宮殺張美人帝甚悲望熙諫帝怒復以彈彈熙每文書入帝不省視太后令帝在式乾殿講學帝又不從不可以承大序臣請依霍光故事收皇帝璽綬以齊王歸潘奏可於是有所司以太牢策告宗廟王執秉鬯副車群臣

後至西掖門帝泣曰先臣受歷世殊遇先帝臨崩詔以遺詔臣復忝重任不能獻可替否群公卿士遠惟舊典為社稷深計鑿負聖躬使宗廟血食於是使使者持節衛送舍河內之重門誅郭懷宏信等是日與群臣議所立帝曰方今宇宙未清二虜爭衡四海之主惟在賢哲彭城王據太祖之子以賢則仁聖明允以年則皇室之長天位至重不得其才不足以寧濟六合乃與群公奏太后太后以彭城王先帝諸父於昭穆之序為不次則烈祖之世永無承嗣東海定王明帝之弟欲立其子高貴鄉公髦帝固爭不獲乃從太

嘉靖戊午年

晉帝紀一

監生汪克勤刊

后令遣使迎高貴鄉公於元城而立之改元曰正元天子受璽踵舉趾高帝聞而憂之及將大會帝訓於天子曰夫聖王重始正本敬初古人所慎也明當大會萬眾瞻穆穆之容公卿聽玉振之音詩云示人不佻是則是效易曰出其言善則千里之外應之雖禮儀周備猶宜加之以祗恪以副四海顛顛式仰矣已天子詔曰朕聞創業之君必須股肱之臣守文之主必賴臣佐之輔是故文武以呂召彰受命之功宣王倚山甫享中興之業大將軍世載明德應期作輔遭天降險帝室多難齊王蒞政不迪率典公履義執忠

以寧區夏式是百辟認齊庶事內摧寇虐外靜奸宄  
日昃憂勤劬勞夙夜德聲光于上下勳烈施於四方  
深惟大議首建明策權定社稷援立朕躬宗廟獲安  
憶兆慶賴伊摯之保又殷邦公旦之緩寧周室蔑以  
尚焉朕甚嘉之夫德茂者位尊庸大者祿厚古今之  
通義也其登位相國增邑九千并前四萬戶進號大  
都督假黃鉞入朝不趨奏事不名劔履上殿賜錢五  
百萬帛五千匹以彰元勳帝固辭相國又上書訓于  
天子曰荆山之璞雖美不琢不成其實顏冉之才雖  
茂不學不弘其量仲尼有云予非生而知之者好古  
敏以求之者也仰觀黃軒五代之主莫不有所稟則  
顓頊受學於綠菑高辛問道於柏招逮至周成旦望  
作輔故能離經辯志安道樂業夫然故君道明於上  
兆庶順於下刑措之隆實由於此宜遵先王下問之  
義使講誦之業屢闡於聽典謨之言日陳於側也時  
天子頗修華飾帝又諫曰履端初政宜崇玄樸並敬  
納馬十一月有白氣經天

嘉靖戊午年

書帝紀一

監生汪克勤刊

二年春正月有彗星見于吳楚之分西北竟天鎮東  
大將軍母丘儉揚州刺史文欽舉兵作亂竊太后令  
移檄郡國為壇盟于西門之外各遣子四人質于吳

以請救二月儉欽帥衆六萬渡淮而西帝會公卿謀  
征討計朝議多謂可遣諸將擊之王肅及尚書傅叔  
中書侍郎鍾會勸帝自行戊午帝統中軍步騎十餘  
萬以征之倍道兼行名三方兵大會于陳許之郊甲  
申次于灑橋儉將史招李續相次來降儉欽移入項  
城帝遣荊州刺史王基進據南頓以逼儉帝深壁高  
壘以待東軍之集諸將請進軍攻其城帝曰諸軍得  
其一未知其二淮南將士無反志且儉欽欲蹈縱  
橫之迹習儀秦之說謂遠近必應而事起之日淮北  
不從史招李續前後凡無內乖外叛自知必敗困獸

嘉靖戊午年

晉帝紀

監上汪克勤刑

思鬪速戰更合其志雖必克傷人亦多且儉等欺  
誑將士詭變萬端少与持久詐情自露此不戰而克  
之也乃遣諸葛誕督豫州諸軍自安風向壽春征東  
將軍胡遵督青徐諸軍出譙宋之間絕其歸路帝屯  
汝陽遣襄州刺史鄧艾督太山諸軍進屯樂嘉示弱  
以誘之欽進軍將攻艾帝潛軍啣枚徑造樂嘉与欽  
相遇欽子鴛年十八勇冠三軍謂欽曰及其未定請  
登城鼓譟擊之可破也既謀而行三譟而欽不能應  
鴛退相与引而東帝謂諸將曰欽支矣命發銳軍以  
追之諸將皆曰欽舊將鴛少而銳引軍內入未有失

利必不支也。帝曰：一鼓作氣，再而衰，三而竭。爲三鼓，欽不應其勢，已屈。不支，何待？欽將遁，奮曰：不先折其勢，不得去也。乃與驍騎十餘，摧鋒陷陣，所向皆披靡。遂引去。帝遣左長史司馬璉督驍騎八千翼而追之。使將軍樂綝、李督步兵繼其後。比至沙陽，頻陷欽陣。弩矢雨下，欽蒙楯而馳，犬破其軍，衆皆投戈而降。欽父子與麾下走保項，儉聞欽敗，棄衆宵遁。淮南安風津都尉追儉斬之，傳首京都。欽遂奔吳。淮南平。初，帝目有瘤疾，使鑿割之，爲之來攻也。驚而目出，懼六軍之恐，蒙之以被，痛甚，醫被敗而左右莫知焉。閏月疾

嘉靖戊午年

皇帝紀二

上左克勤刊

薦使文帝總統諸軍，辛亥崩于許昌。時年四十八。二月，帝之喪，至自許昌。天子素服，臨弔。詔曰：公有濟世寧國之勲，剋之禍亂之功，重之以死，王事宜加殊禮。其令公卿議制有司，議以爲忠。安杜稷功，濟宇內，宜依霍光故事，追加大司馬之號，以冠軍大將軍增邑五萬戶。謚曰武公。文帝表讓曰：臣亡父不敢受，丞相相國九命之禮，亡兄不敢受，相國之位，誠以太祖常所階歷也。今謚與二祖同，必所祇懼。昔蕭何、張良、霍光，咸有匡佐之功，何謚文終，良謚文成，光謚宣成，必以文武爲謚。請依何等，就加詔許之。謚曰忠武。晉國



既建追尊曰景王武帝受禪上尊號曰景皇帝陵曰峻平廟稱世宗

文帝

文皇帝諱昭字子正景帝之母弟也魏景初二年封新城鄉侯正始初為洛陽典農中郎將值魏明奢侈之後帝蠲除苛碎不奪農時百姓大悅轉散騎常侍大將軍曹爽之伐蜀也以帝為征蜀將軍副夏侯玄出駱谷次于臨勢蜀將王林夜襲帝營帝堅臥不動林退帝謂玄曰曹爽已據險距守進不獲戰攻之不可宜亟於軍以為後苗爽等引旋稭果馳兵趣三嶺

嘉靖戊午年

晉帝紀二

八

監生汪克勤刊

爭險乃得過遂還拜議郎及誅曹爽帥眾衛二宮以功增邑千戶蜀將姜維之寇隴右也征西將軍郭淮自長安距之進帝位安西將軍持節屯關中為諸軍節度淮攻維別將句安於翔久而不決帝乃進據長城南趣駱谷以疑之維懼退保南鄭安軍絕援帥眾來降轉安東將軍持節鎮許昌及大軍討王凌帝督淮北諸軍事帥師會于項增邑三百戶假金印紫綬尋進號都督統征東將軍胡遵鎮東將軍諸葛誕伐吳戰于東關二軍敗績坐失侯蜀將姜維又寇隴右揚聲欲攻狄道以帝行征西將軍次長安雍州刺史

陳泰欲先賊據狄道帝曰姜維攻羌收其質任聚斂  
作邸閣訖而復轉行至此正欲了塞外諸羌為後年  
之資耳若實向狄道安肯宣露令人知今揚聲  
言出此欲歸也維果燒宮而去會新平羌胡叛帝擊  
破之遂耀兵靈州北虜震懼叛者悉降以功復封新  
城鄉侯高貴鄉公之立也以參定策進封高都侯增  
封二千戶毋丘儉文欽之亂大軍東征帝兼中領  
軍留鎮洛陽及景帝疾篤帝自京都省疾拜衛將軍景  
帝崩天子命帝鎮許昌尚書傳嘏帥六軍還京師帝  
用嘏及鍾會策自帥軍而還至洛陽進位大將軍加  
侍中都督中外諸軍錄尚書事輔政劔履上殿帝固  
辭不受

嘉靖戊午年

晉帝紀一

晉書上注克勤刊

甘露元年春正月加大都督奏事不名夏六月進封  
高都公地方七百里加之九錫假斧鉞進號大都督  
劔履上殿又固辭不受秋八月庚申加假黃鉞增封  
三縣

二年夏五月辛未鎮東大將軍諸葛誕殺揚州刺史  
樂綝以淮南作亂遣子覲為質於吳以請救議者請  
速伐之帝曰誕以毋丘儉輕疾傾覆今必外連吳寇  
此為變大而遲吾當與四方同力以全勝制之乃表

曰言默不叛逆漢祖親征阬道京光武西伐烈祖

明皇帝乘輿仍出皆所以奮揚赫斯震耀威武也陛

下宜暫臨戎使將士得憑天威今諸軍可五十萬以

衆擊寡茂不克矣秋七月奉天子及皇太后東征徵

兵青徐荆豫分取關中遊軍皆會淮北師次于項假

廷尉何植節使淮南宣慰將士申明逆順示以誅賞

甲戌帝進軍丘頭吳使文欽唐咨全端全懌等三萬

餘人來救誣諸將逆擊不能禦將軍李廣臨敵不進

泰山太守常時稱疾不出並斬之以徇八月吳將朱

異帥兵萬餘人留輜重於都陸輕兵至黎漿監軍石

嘉靖戊午年

晉帝紀一

十一

監生汪克勤刊

苞兖州刺史州泰禦之異退泰山太守胡烈以奇兵

襲都陸焚其糧運苞泰復進擊異大破之異之餘卒

餒甚食葛葉而遁吳人殺異帝曰異不得至壽春非

其罪也而吳人殺之適以謝壽春而堅誣意使其猶

望救耳若其不爾彼當突圍決一旦之命或謂大軍

不能久省食減口冀有他變料賊之情不出此三者

今當多方以亂之備其越逸此勝計也因命合圍分

遣羸疾就穀淮北廩軍士大豆人三升欽聞之果喜

帝愈羸形以示之多縱反間揚言吳救方至誣等益

寬恣食俄而城中乏糧石苞王基並請攻之帝曰誣

之逆謀非一朝一夕也。聚糧完守，外結吳人，自謂足據淮南。欽既同惡相濟，必不便走。今若急攻之，損游軍之力，外寇卒至，表裏受敵，此危道也。今三叛相聚於孤城之中，天其或者將使同戮吾常以長策縻之，但堅守三面，若賊陸道而來，軍糧必少。吾以游兵輕騎絕其轉輸，可不戰而破。外賊外賊破，欽等必成擒矣。全懌母孫權女也，得罪於吳。全端兄子禘及儀奉其母來奔，儀兄靜時在壽春，用鍾會計作禘儀書以譏靜。靜兄弟入帥其衆來降，城中大駭。

三年春正月壬寅，誕欽等出攻長圍，諸軍逆擊之。

嘉靖戊午年

晉書紀三

監生汪克勤列

初，誕欽內不相協，及至竄，遂轉相疑貳。會欽計事，与誕忤，誕手刃殺欽。欽子鴛攻誕，不克，踰城降，以為將軍。封侯，使鴛巡城，而呼帝見城上，持弓者不發，謂諸將曰：「可攻矣。」二月乙酉，攻而拔之，斬誕夷三族。吳將唐咨、孫曼、孫弥、徐韶、寺帥其屬皆降，表加壽位，廩其餒疾。或言吳兵必不為用，請坑之。帝曰：「就令亡還，遣見中國之私耳。」於是徙之三河。夏四月，歸于京師。魏帝命改丘頭曰武丘，以旌武功。五月，天子以并州之太原上黨、西河、樂平、新興、鴈門、司州之河東、平陽八郡地方七百里，封帝為晉公，加九錫，進位相國，晉國。

置官司焉九讓乃止於是增邑萬戶食三縣諸子之  
無爵者皆封列侯秋七月奏錄先世名臣元功大勲  
之子孫隨才叙用

四年夏六月分荊州置二都督王基鎮新野州秦鎮  
襄陽使石苞都督揚州陳騫都督豫州鍾毓都督徐  
州宋鈞監青州諸軍事

景元元年夏四月天子復命帝爵秩如前又讓不受  
天子既以帝三世宰輔政非已出情不能安又慮廢  
辱將臨軒召百僚而行放黜五月戊子夜使宥從僕  
射李昭尋發甲於陵雲臺召侍中王沉散騎常侍王

嘉靖戊午年

晉帝紀一

三

監生汪克勤刊

業尚書王經出懷中黃素詔示之戒嚴侯旦沉業馳  
告于帝帝召護軍賈充尋為之備天子知事泄帥左  
右攻相府稱有所討敢有動者族誅相府兵將止不  
敢戰賈充叱諸將曰公畜養汝輩正謂今日耳太子  
舍人成濟抽戈犯躡刺之刃出於背天子崩于車中  
帝召百寮謀其故僕射陳泰不至帝遣其舅荀顛興  
致之延于曲室謂曰玄伯天下其如我何泰曰惟腰  
斬賈充微以謝天下帝曰卿更思其次泰曰但見其  
上不見其次於是歸罪成濟而斬之太后令曰昔漢  
昌邑王以罪廢為庶人此兒亦宜以庶人禮葬之使

外內咸知其所行也。殺高書王經貳於我也。庶慎帝  
奏曰：故高貴鄉公帥從駕人兵，拔刃鳴鼓向臣。臣  
懼，兵刃相接，即勅將士不得有所傷害。違令者以軍  
法從事。騎督成倅，弟太子舍人濟入兵陣，傷公至隕。  
臣聞人臣之節，有死無貳。事上之義，不敢逃難。前者  
變故卒至，裋同發機，誠欲委身守死，惟命所裁。然惟  
本謀乃欲上危皇太后，傾覆宗廟。臣忝當元輔，義在  
安國，即駱驛申勅，不得迫近輿輦。而濟妄入陣間，以  
致大變。哀怛痛恨，五內摧裂。濟干國亂紀，罪不容誅。  
輒以濟家屬付廷尉。太后從之。夷濟三族。與公卿議  
立燕王宇之子常道鄉公璠。帝六月改元景辰。天

嘉靖戊午年

五月

監生汪克勤刊

子進帝為相國，封晉公，增十郡，加九錫。如初，群從子  
弟未俟者，封亭侯，賜錢千萬，帛萬匹。固讓，乃止。冬十  
一月，吳吉陽督蕭慎以書詣鎮東將軍石苞，偽降求  
迎。帝知其詐也，使苞外示迎之，而內為之備。  
二年秋八月甲寅，天子使太尉高柔授帝相國印綬。  
司空鄭沖致晉公茅土九錫，固辭。  
三年夏四月，肅慎來獻楛矢石砮，玄甲貂皮等。天子  
命歸於大將軍府。

四年春二月丁丑，天子復命帝如前。又固讓。三月，詔

大將軍府增置司馬一人從事中郎二人舍人十人  
夏帝將伐蜀乃謀衆曰自之壽春已來息役六年治  
兵繕甲以擬二虜略計取吳作戰船通水道當用千  
餘萬功此十萬人百數十日事也又南土下溼必生  
疾疫今宜先取蜀三年之後回巴蜀順流之勢水陸  
並進此滅虞之魏吞韓并魏之勢也計蜀戰士九萬  
居守成都及備他郡不下四萬然則餘衆不過五萬  
今絆姜維於沓中使不得東顧直指駱谷出其空虛  
之地以襲漢中彼若嬰城守險兵勢必散首尾離絕  
舉大衆以屠城散銳卒以翼奔劔閣不暇守險關頭

嘉禾元年

吳書

一

監生汪克勤刊

不能自存以劉禪之闇而邊城外破士女內震其亡  
可知也征西將軍鄧艾以為未有釁屢陳異議帝患  
之使主簿師纂為艾司馬以喻之艾乃奉命於是徵  
四方之兵十八萬使鄧艾自狄道攻姜維於沓中雍  
州刺史諸葛緒自祁山軍于武街絕維歸路鎮西將  
軍鍾會帥前將軍李輔征蜀護軍胡烈等自駱谷襲  
漢中秋八月軍發洛陽大賚將士陳師誓衆將軍鄧  
敦謂蜀未可討帝斬以徇九月又使天水太守王頌  
攻維營隴西太守牽弘邀其前金城太守楊欣趣甘  
松鍾會分為三隊入自斜谷使李輔圍王含於樂城

又使步將易愷攻蔣斌於漢城會直指陽安護軍胡  
烈攻陷關城姜維聞之引還王頎追敗維於疆川維  
與張翼廖化合軍守劔閣鍾會攻之冬十月天子以  
諸侯獻捷文至乃申前命曰朕以寡德獲承天序嗣  
我祖宗之洪烈遭家多難不明于訓曩者奸逆屢興  
方寇內侮大懼淪喪四海以墮三祖之弘業惟公經  
德履哲明允廣深迪宣武文世作保傳以輔又皇家  
柳風沐雨周旋征伐劬勞王室二十有餘載毗晷前  
人仍斷大政克厭不端維安社稷暨儉欽之亂公綏  
授有衆分命與師統紀有方用緝寧淮浦其後巴蜀

嘉靖戊午年

晉書卷三

一

監生汪克勤刊

屢侵西土不靖公奇畫指授制勝千里是以段谷之  
戰乘釁大捷斬將塞旗效首萬計孫峻猾夏致寇徐  
方戎車首路威靈先邁黃鉞未啓鯨鯢窟迹孫壹搆  
隙自相疑阻幽鑿遠照奇策洞徹遠人歸命作藩南  
夏爰授銳卒畢力戎行暨諸葛誕滔天作逆稱兵揚  
楚欽咨逋罪同惡相濟帥其螫賊以入壽春憑阻淮  
山敢距王命公躬擐甲胄龔行天罰玄謀廟筭遵養  
時晦奇兵震擊而朱異摧破神變應機而全琮稽服  
取亂攻昧而高塘不守蕪九伐之弘略究五兵之正  
度用能戰不窮武而大敵殲潰旗不再麾而元惡授



首收勅吳之傳臣係亡命之逋虜交臂屈膝委命下  
吏俘馘十萬積尸成京雪宗廟之滯恥拯兆庶之艱  
難掃平區域信威吳會遂戢干戈靖我疆土天地鬼  
神罔不獲又乃者王室之難變起蕭牆賴公之靈弘  
濟艱險宗廟危而獲安社稷隆而復寧忠格皇天功  
濟六合是用疇咨古訓稽諸典籍命公崇位相國家  
于群后啓土參墟封以晉域所以方軌齊魯翰屏帝  
室而公遠蹈謙損深履冲讓固辭策命至于八九朕  
重違讓德抑禮虧制以彰公志于今四載上闕在昔  
建侯之典下違兆庶且瞻之望惟公嚴履王度闡濟

嘉靖戊午年

晉帝紀二

監生汪奕勳刊

大猷敦尚純樸省絲節用務穡勸分九野康乂耆叟  
荷崇養之德鰥寡蒙矜卹之施仁風興於中夏流澤  
布於遐荒是以東夷西戎南蠻北狄狂狡貪悍世為  
寇讐者皆感義懷惠款塞內附或委命納貢或求置  
官司九服之外絕域之氓曠世所希至者咸浮海來  
享鼓舞王德前後至者八百七十餘萬口海隅幽裔  
無思不服雖西旅遠貢越裳九譯義無以踰維翼朕  
躬下匡萬國恩靖殊方寧濟八極以庸蜀未賓蠻荆  
作猾潛謀獨斷整軍經武簡練將帥授以成策始戩  
賊境應時摧陷任狡奔走首尾震潰禽其戎帥屠其

城邑巴漢震疊江源雲徹地平天成誠在斯舉公有濟六合之勲加以茂德實摠所揆允釐庶政敦五品以崇仁恢六典以敷訓而躋恭夙夜勞謙昧旦雖尚父之左右文武周公之勤勞王家罔以加焉昔先王選建明德光啓諸侯體國經野方制五等所以藩翼王畿垂祚百世也故齊魯之封於周為弘山川土田邦畿七百官司典策制殊群后惠襄之難桓文以翼戴之勞猶受錫命之禮咸用光疇大德作範于後惟公功邁於前烈而賞闕於舊式百辟於邑人神同恨焉豈可以公謙冲而又淹弘典哉今以并州之太原

嘉靖戊午年

晉帝紀一

二

監生汪允勳刊

上黨西河樂平新興鴈門司州之河東平陽弘農雍州之馮翊九十郡南至於華北至於降東至於壺口西踰于河提封之數方七百里皆晉之故壤唐并受之世作盟主實紀綱諸夏用率舊職爰胙茲土封公為晉公命使持節兼司徒司隸校尉陔即授印綬策書金獸符第一至第五竹使符第一至第十錫茲玄土宜以白茅建爾國家以求藩魏室昔在周召並以公侯入作保傅其在近代鄩侯蕭何實以相國光尹漢朝隨時之制禮亦宜之今進公位為相國加綠綬綬又加公九錫其敬聽後命以公思弘大猷崇正典

禮儀刑作範旁訓四方是用錫公大輅戎輅各一玄  
牡二駟公道和陰陽敬授人時番夫反本農殖維豐  
是用錫公衮冕之服赤舄副焉公光敷顯德惠下以  
和敬信思順庶尹允諧是用錫公軒懸之樂六佾之  
舞公鎮靖宇宙翼播聲教海外懷服荒裔款附殊方  
馳義諸夏順軌是用錫公朱户以居公簡賢料材營  
求俊逸爰升多士宣彼周行是用錫公納陛以登公  
嚴恭寅畏底平四國式遏寇虐苛厲不作是用錫公  
武賁之士三百人公明慎用刑簡恤大中章厥天威  
以糾不虔是用錫公鈇鉞各一公爰整六軍典司征

嘉靖戊午年

音帝紀

卷八

監生汪克勤刊

伐犯命凌正乃維誅殛是用錫公彤弓一彤矢百秣  
弓十秣矢千公饗祀蒸馨孝思維則篤誠之至通于  
神明是用錫公秬鬯一卣珪瓚副焉晉國置官司以  
下率由舊式徃欽哉祗服朕命弘敷訓典光澤庶方  
永終尔明德丕顯余一人之休命公卿將校皆詣府  
諭旨帝以禮辭讓司空鄭冲率群官勸進曰伏見嘉  
命顯至竊聞明公固讓冲等眷眷實有愚心以為聖  
王作制百代同風棄德賞功有自來矣昔伊尹有莘  
氏之媵臣耳一佐成湯遂荷阿衡之號周公藉已成  
之勢執既安之業光宅曲阜奄有龜蒙呂尚磻溪之

漁者也一朝指麾乃封營丘自是以來功薄而賞厚者不可勝數然賢哲之士猶以為美談况自先相國以來世有明德翼輔魏室以緩天下朝無秕政人無謗言前者明公西征靈川北臨沙漠榆中以西望風震服羌戎來馳回首內向東誅叛逆全軍獨克禽闔閭之將虜輕銳之卒以萬萬計威加南海名懾三越宇內康寧苛慝不作是以時俗畏懷東夷獻舞故聖上覽乃昔以來禮典舊章開國光宅顯茲太原明公宜承奉聖旨受茲介福允當天人元功盛勲光光如彼國土嘉祚巍巍如此內外協同靡愆靡違由斯征

嘉靖戊午年

晉書紀二

監生汪克勤

伐則可朝服濟江埽除吳會西塞江源望祀岷山迴戈弭節以麾天下遠無不服近無不肅令大魏之德光于唐虞明公盛勲超於桓文然後臨滄海而謝文伯登箕山而揖許由豈不盛乎至公至平誰与為鄰何必勤勤小讓也哉帝乃受命十一月鄧艾帥萬餘人自陰平踰絕險至江油破蜀將諸葛瞻於縣竹斬瞻傳首進軍雒縣劉禪降天子命晉公以相國總百揆於是上前傳去侍中大都督錄尚書之號焉表鄧艾為太尉鍾會為司徒會潛謀叛逆回密使譖艾

咸熙元年春正月檻車徵艾乙丑帝奉天子西征次

于長安是時魏諸王各悉在鄴城命從事中郎山濤  
行軍司事鎮於鄴遣護軍賈充持節督諸軍拒漢中  
鍾會遂反於蜀監軍衛瓘右將軍胡烈攻會斬之初  
會之伐蜀也西曹屬鄒悌言於帝曰鍾會難信不可  
令行帝笑曰取蜀如指掌而衆人皆言不可唯會與  
吾意同滅蜀之後中國將士人自思歸蜀之遺黎猶  
懷震恐縷有異志無能為也卒如所量景辰帝至自  
長安三月巳卯進帝爵為王增封并前二十郡夏五  
月癸未天子追加舞陽宣文侯為晉宣王舞陽忠武  
侯為晉景王秋七月帝奏司空荀顛定禮儀中護軍

嘉靖戊午年

晉帝紀一

監正汪克勤刊

賈充正法律尚書僕射裴秀議官制太保鄭冲總而  
裁馬始建五等爵冬十月丁亥奏遣吳人相國參軍  
徐卻散騎常侍水曹屬孫或使吳喻孫皓以平蜀之  
事致馬錦等物以示威懷景午天子命中撫軍新昌  
卿侯炎為晉世子

二年春二月甲辰胸臆縣獻靈龜歸於相府夏四月  
孫皓使紀陟來聘且獻方物五月天子命帝冕十有  
二旒建天子旌旗出警入蹕乘金根車駕六馬備五  
副副車置旄頭雲罕樂舞八佾設鍾虡宮懸位在燕  
王上進王妃為王后世子為太子王女王孫爵命之

號皆如帝者之儀諸禁網煩苛及法式不便於時者  
帝皆奏除之晉國置御史大夫侍中常侍尚書中領  
軍衛將軍官秋八月辛卯帝崩于露寢時年五十五  
九月癸酉葬崇陽陵謚曰文王武帝受禪追尊號曰  
文皇帝廟稱太祖

史臣曰世宗以獻略創基太祖以雄才成務事殷之  
跡空存翦商之志弥遠三分天下功業在焉及踰劍  
銷氛浮淮靜亂桐宮胥怨或所不堪若乃體以名臣  
格之端揆周公流連於此歲魏武得意於茲日軒懸  
之樂大啓南陽師摯之勳於焉北面壯矣哉包舉天

萬曆三年

三  
其科二百五十四

相乎

贊曰世宗繼文邦權未分三千之士其從如雲世祖  
無外靈關靜氛及雖討賊終焉弑君

